

- كويه وارک و در عقب باغلو بر ديشى مرکب و انکله برابر بر صپه
 ۳ بولورسکر. بونلری چوزوب بکا کتورك* و اگر بر کسه سزه بر
 شى سويلرسه بونلر ربه لازمدر ديه سکر و فى الحال انلری
 ۴ کوندره جکدر دیدی* و بونک جله سى پیغمبرک واسطه سیله
 سويلنان (کلام) اتمام اولنق اوزره واقع اولدی چون دیدیکه
 ۵* صهيون قيرينه ديه سکر اشته سنک ملکک بر مرکب و مرکب
 ۶ ولدی صپه راکب اولرق حلیمانه سکا کلیور* ايمدی اول شاکر دلر
 ۷ واروب عيسى نك انلره بيوردیغى کبی ايدرك* مرکبی و صپه یی
 کتوروب اوزلرینه کندی لباسلرینی قودوده انی اوزرینه
 ۸ بندردیلر* پک چوق خلق دخی کندی لباسلرینی یواه دوشه یوب
 ۹ غیریلری اناجلردن دالار کسوب یواه سره رک* کرك اوکنجه
 وارن کرك اردنجه کیدن خلق ندا ایدوب ابن داوده هوشعنا
 ربك اسمنده کلان مبارک اولسون اعاليده هوشعنا دیرز ایدی
 ۱۰* و اورشليم کيرديکنده بو کیم در ديه رک بتون شهر متحرک
 ۱۱ اولدی* خلق دخی بو (ذات) جلیل ناصرتی شهرندن اولان
 عيسى پیغمبر در دیدیلر.

- ۱۲ و عيسى هیکل الله کيروب هیکلده بالجمله بيع و شرا ایدیلری
 طشریه طرد ایله صرافلرک پيشخته لرینی هم کوکرجین
 ۱۳ صايجيلرک اسکمله لرینی الت اوست ایدوب* انلره بنم بیتمه
 عبادت خانه تسميه اولنه دیو یازلش ایکن سزانی خرسرلر
 ۱۴ مغاره سنه دوندردیکز دیدی* و هیکلده انک یانه کورلر و طوپالار
 ۱۵ کلدیلر اولدخی انلره شفا ویردی* لیکن باش کاهنلر ایله کاتبلر
 انک اجرا ایتدیکی معجزاتی و چوجقلرک هیکلده ندا ایدوب ابن